

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 065-0-SU-17-001678/A
Sarajevo; 27.10.2017. godine

Na osnovu člana 70. Zakona o javnim nabavama (Sl. glasnik BiH“ broj 39/14) i člana 18. Pravilnika o unutrašnjoj organizaciji Općinskog suda u Sarajevu broj: 065-0-SU-13-003056 od 17.10.2013. godine, na preporuku Komisije u postupku javne nabave roba: Nabava uredskog materijala, LOT 2 Toneri i imaging uniti
Predsjednik suda d o n o s i:

ODLUKA o izboru najpovoljnijeg ponuđača

Član 1.

Prihvata se Preporuka Komisije za javne nabave i Okvirni sporazum za nabavu roba: Nabava uredskog materijala, LOT 2 Toneri i imaging uniti, u vrijednosti od 290.000,00 KM bez PDV-a dodjeljuje se najpovoljnijem ponuđaču „Defter komerc d.o.o.“ Sarajevo, a prema pristigloj ponudi broj: 02-10/2017 od 03.10.2017. godine u ukupnoj vrijednosti od 289.982,52 KM bez PDV-a, kao najbolje ocijenjenom.

Član 2.

(1) Prijedlog Okvirnog sporazuma dostavit će se na potpis izabranom ponuđaču nakon isteka Okvirnog sporazuma koji je trenutno na snazi.

Član 3.

Ova odluka objavit će se na web stranici suda, www.oss.ba, istovremeno sa upućivanjem iste ponuđačima koji su sudjelovali u postupku javne nabave, u skladu sa članom 70. stav (6) Zakona o javnim nabavama.

Obrazloženje

Postupak javne nabave pokrenut je Odlukom o pokretanju postupka javne nabave broj: 065-0-SU-17-001678/A od 17.08.2017. godine i Posebne odluke broj: 065-0-SU-17-001678 od 17.08.2017. godine. Predviđeno je provođenje e-aukcije. Javna nabava je provedena putem Otvorenog postupka s međunarodnom objavom.

Procijenjena vrijednost javne nabave za LOT 2 Toneri bez PDV-a iznosi 290.000,00 KM.

Tekst Otvorenog postupka učinjen je dostupan svim zainteresiranim ponuđačima, na portalu javnih nabava www.ejn.gov.ba uz objavljeno obavještenje o nabavi pod brojem 1299-1-1-91-3-14/17 od 25.08.2017. godine u 15:24 sati. U skladu sa Odlukom o pokretanju postupka, Komisija za provođenje postupka javne nabave formirana Rješenjem broj: 065-0-SU-17-000151 od 23.01.2017. , sprovela je proceduru nabave, obavila javno otvaranje ponuda, sačinila i dostavila Zapisnik o pregledu i ocjeni ponuda koje su do utvrđenog dana i sata dostavljene od strane ponuđača na adresu Ugovornog organa, a kako je traženo u tekstu tenderske dokumentacije broj: 065-0-SU-17-001678/A od 25.08.2017. godine.

Zapisnik o pregledu i ocjeni ponuda broj: 065-0-SU-17-001678/A od 26.10.2017. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda dva (2)
- da je blagovremeno zaprimljeno ukupno dvije (2) ponude
- da jedna (1) ponuda ispunjava uslove tehničke specifikacije i druge uslove propisane od strane Ugovornog organa i dostavljena je od strane ponuđača „Defter komerc“ d.o.o. Sarajevo
- da vrijednost najniže dostavljene prihvatljive ponude iznosi 289.982,52 KM bez PDV-a.

Podatci o provođenju e-aukcije: budući da je dostavljena samo jedna prihvatljiva ponuda u skladu s Čl. 3 stav 3 Pravilnika o uslovima i načinu korištenja e-aukcije (Službeni glasnik BiH br.: 66/16) nije provedena e-aukcija.

Podatci o ponuđačima čije ponude se odbijaju s navedenim razlozima odbijanja: Odbija se ponuda ponuđača Printex d.o.o. Sarajevo budući da je ponuđač suprotno od zahtjeva u TD za predmetnu nabavu dostavio kopije u boji autorizacija ovlaštenog distributera i budući da sljedeći dokumenti: Izjava iz Čl. 47, Popis povjerljivih informacija (Prilog 6), Nacrt Okvirnog sporazuma (Prilog 7) koji su sastavni dio njegove ponude, ne sadrže potpis nego faksimil. Ponuda se odbija u skladu s Čl. 68 stav) 4, točka i) ; ponuda nije potpuna i ne ispunjava zahtjeve iz tenderske dokumentacije.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavama, podzakonskim aktima i tenderskoj dokumentaciji u cijelosti se prihvaća Zapisnik o pregledu i ocjeni ponuda.

U skladu sa kriterijem najniža cijena, Okvirni sporazum za nabavu roba : Uredskog materijala, LOT 2 Toneri i imaging uniti, dodjeljuje se ponuđaču „Defter komerc“ d.o.o. Sarajevo na period od 12 mjeseci od dana zaključivanja.

PRAVNA POUKA

Svaki ponuđač koji ima legitimni interes u predmetnom postupku javne nabave, a koji smatra da je ugovorni organ u toku postupka prekršio jednu ili više odredbi Zakona o javnim nabavama ima pravo priložiti žalbu u pisanoj formi u roku od 10 (deset) dana od dana prijema ove odluke u skladu sa članom 99. i 101. Zakona.

Prilog:

1. - Zapisnik o pregledu i ocjeni ponuda broj: 065-0-SU-17-001678/A od 26.10.2017. godine

Dostaviti:

1. Svim učesnicima u postupku
2. Komisija za javne nabave
3. a/a

PREDSJEDNIK SUDA
Janja Jovanović